



Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

5. Situs Domus Sapientię Orientem deliciarum, divitiarumque
abundantiam, & bonum omne pollicetur.

[urn:nbn:de:hbz:466:1-46065](#)

dextera intellexerunt, vnde pulchra, grata, lætaque omnia provenirent. Hoc indicat toties nominata in divinis libris Dextera felicitatis index. *A dexteris est mihi ne commovear.* (a) *Dextera tua suscepit me.* (b) *Brachium eorum non salvavit eos, sed dextera tua.* (c) *Astitit regina à dextris tuis* (d) *Exaltetur dextera tua.* (e) *Adstitit à dextra pauperis* (f) *Dextra Domini fecit virtutem. Dextra Domini excitavit.* (g) *Longi, tudo dierum in dextra ejus.* (h) *Regnum quibusdā pondere visus Oriens, quod multis imperiis regnisque splendissimis claruerit.* Ad Regnum aspirat Sapientiæ Ama- tor; sed non, quod est de hoc mundo, regnum fragile, breve, finiendum; verum ad alterius vitæ, constans, im- móBILE, sempiternum.

(a) Psal. xv. 6. (b) Psal. xvii. 36. (c) Psal. XLIII. 4 (d) Psal. XLIV. 10. (e) Psal. LXXXVIII. 14. (f) Psal. CVIII. 31. (g) Psal. CXVII. 16. 17. (h) Prov. III. 16.

ARTICULUS V.

Situs Domus SAPIENTIÆ.

*Ad Orientem, deliciarum, divitarumq; abundantiam,
& bonum omne pollicetur.*


ORIENS abundat deliciis, quartum abundantiam in Domo Sapientiæ consideramus, non corporalium, sed spiritualium, argumento tamen sumpto, & analogia ducti à corporalibus, quibus gaudet Orientis regio ob pingue fertilemque tellurem. Odores & aromata, quæ iucundissime sensus afficiunt, & conducunt ad sanitatem: myrra, thus, cinnamomum, piper & ejus generis plurima unde copiosius ad alias mundi plegas appor- tan-

tantur, quām ex Oriente, ubi vis Solis est efficacior? verum est, alibi etiam provenire aromata nonnulla, sed nullibi tanta copiā, tamque fragrantia, quām in Oriente, tum ē soli, tum ē cæli constitutione: Siquidem signa cæli orientalia, fortiora censemur, quia ignea & prima. Persarum orientalium eæ fuerunt deliciæ, ut Alexandrū antequam lustraret Orientem invictissimum militem, & ad durissima toleranda assuetum, enervaverint, & victorem orbis viæ penè subjecerint, ut Capuanæ amœnitates ferum antea atrocemque Annibalem. Sed nihil magis hoc confirmat, quam quod Deus delitiosissimum hortum voluptatis plantaverit in plagâ Orientali Eden, qui locus aptissimus videri potuit, quia deliciosissimus, & omni genere voluptatum affluens: Immò, ipsum nomen *Eden* (a) delicias sonare, auctor est eruditissimus Masius: vnde Græcos suum ηδονὴ formasse sunt qui putant.

In eodem Situ Deliciis sunt conjunctæ Divitiæ. Unde enim lapides pretiosi, vnde aurum, unde effodiuntur opes irritamenta malorum uberiorum, quam in Oriente? Unde aduchuntur leones, elephanti, tigres, aliæque vestitatis ac feritatis ejusdem belluæ: quæ nobis visæ voluptati sunt, magistris suis & formatoribus maximo lucro: unde rara ideoque cara & preciosa absque numero ex Oriente. Denique, ut ab Aquilone panditur omne malum Jeremiæ i. ita fere ab Oriente omne bonum. An fortasse idcirco **CHRISTUS** Dominus, qui solus Bonus, & quia Deus, OMNE BONUM, in Litteris divinus nominatur **ORIENS**? *Vistavit nos Oriens ex alto, Luce I.* Ecce vir Oriens nomen eius. Zacharia vi. cuius justitiae & Sapientie lumine, nostræ injustitiae ac inscitiae nox illustratur. Ave ô Oriens, Ave. Orere nobis, ad orientem

Sa-

(a) *Eden delicia Andr. Masius ad Barcepham de Paradiſo par. I. c' 16*

Sapientiæ Domum ædificantibus. Orere, & illuminare omnes, qui in tenebris & in umbra mortis commorantur! 

NOTÆ.

§ 1 ORATIO ad Orientem.] Jacob Patriarcha Genesis XLVIR.
31. moriturus adoravit Deum conversus ad lectuli caput. Quare? quia illud erat ad Orientem, quo se vertere solent adorantes: & cuius rei causa altaria ad Orientem extruuntur. Lyranus addit, quia caput lecti erat versus terram promissam, ad quam orantes se convertebant, cum extra illam erant, ut constat Daniel, vi. 10. & lib. III. Reg. VII. 44. Abulensis in Genes. XLVII. Ribera in Epist. ad Hebr. cap. XI. Numeror. II. indistributione castrorum duodecim Tribuum, prescribitur: *Ad Orientem Iudas figet tentoria.* Cur? An quia Oriens est locus dignissimus, qui debebatur Judæ Principum eminentissimo? An quia ex Iuda ortus est Christus, cuius nomen Oriens?

§. 12. ESSENI.] De his accuratè Nicolaus Serarius lib. 3. Trihæresium, ubi eorum disciplinam, mores, & cum his connexa explicat. De oratione ad ortum Solis hæc habet ex Josepho Priusquam Sol oriatur profaniquidquam loqui nihil audent, sed patrias quasdam ad Solem ipsum preces dicunt, veluti supplicantes, ut oriantur verum. Essenos non vere ac propriè Solem praecatos, sed solum Solis auctorem ac moderatorem Deum, Serarius bene sentit: hymnos tamè quosdam dixisse, in quibus per prosopopœiam Solem, ut felix faustusque oriretur omnibus appellarent, ad eum modū quo Danielis tertio sancti tres pueri. *Benedicite Sol & Luna Domino, ac David. Psal. CXLVIII. Laudate eum Sol & Luna.* Aut verò ad Solem preces dicere non fuit aliud, quam versus Orientem precari, seu converso ad solem vultu. Fieri etiam potuit, ut è matutino Sole in ementem sustulerint alius ad verum æternumque Solēm, qui est Deus. Quomodo canit Ecclesia.

Lux lucis & fons lumis. Dies diem illuminans.

Verusq; Sol illabere, Micans nitore perpeti.

Gentiles solebant Diis primam horam nunciare, quasi iis matutinæ, & primæ salutationes essent gratissimæ. Idem fores principum mane obsidebant, ut egredientibus obviam prodirent, ac salu-

33
888

salutem precarentur. Quod multis exemplis firmat Pineda Job. xxxi. 36. num. 9. S. Hieronymus de quibusdam, quos Ezechiel cap. viii. arguit: Adorabant ortum Solis, eo quod contempto Domino, id est, creatore adorarent Solem, id est, Domini creaturam. Inter quos fortasse recensendus Pythagoras, qui Solem, Lunam astraque cetera Deos autumabat, ut habet Laertius. Nonnulli Iudaei Christiani ac Priscillianistæ hæretici Solem orientem adorabant, quos redarguit S. Leo Sermone vii. de Nat. D. De talibus inquit, *institutis* (Priscillianistarum videlicet) illa etiam generatur impietas, ut Sol inchoarione diurna lucis exurgens à quibusdam insipientioribus de locis eminentioribus adoretur. Quod nonnulli etiam Christiani adeo religiose se facere putant, ut priusquam ad B. Petri Basilicam, qua uni Deo vivo & vero est dedicata perveniant, super angustis, quibus ad suggestum aræ superioris ascenditnr, converso corpore ad nascentem se Solem deflestant. & curvatus cervicibus in horum se splendidi orbus inclinent. Quod fieri partim ignorantia virtutis, partim paganitatis spiritu multum tabescimus & dolemus. Quia et si quidam forte crearem portius pulcri lumen, quam ipsum lumen, quod Creatura, venerantur, abstinendum tamen est ab huic modi specie officii. Hæc S. Pontifex anxiè, ne quid commune cum Priscillianistis, atque Gentilibus haberent fideles. Consule Baroniūm tom. i. Annal. Eccl. Anno Christi 58. num. 86.

TR

§. III. Aves diluculo cantillant ac Philomela nominatum suum vissima sua melodia Solem prævenit, ac venientem quasi allicit, & salutat. Sic fideles mane Solem justitiae suis hymnis ac precibus salutent Sacerdotes maxime ut volucres cœli, & auroræ Philomela, sed & Cicadæ noctium; ut Eustochio commendat S. Hieronymus, & ut talis sit, desiderat: nimirum, orans adoransque Deus dormiens atque consurgens, ut habetur Deuteronomii vi. 7. id est, dum cubitum concedis, seu cubas, & summo mane surgis.

(.:)

SER-